



INUIT ATAQATIGIIT INATSISARTUNI

Ulloq:24.02.09

Inatsisartut Suleriaasianni § 36, imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. **Nunatsinni utoqqalinersiuteqartut angallannikkut akikillisaavigineqartarnerat, malittarisat suut sorliillu tunngavigalugit ingerlanneqarpat?**
2. **AUL-p ingerlassaanni nunaqarfimmiit nunaqarfimmut, nunaqarfimmiit illoqarfimmut aammalu illoqarfimmiit illoqarfimmut qanoq aaqqissuussiffigineqartarpat?**
3. **Air Greenland-p sullissinermut isumaqatigiissutaani, utoqqalinersiuteqartut tapiiffigineqartarnerat, qanoq aaqqissuussiffigineqarsimava?**

(Inatsisartuni ilaasortaq Olga P. Berthelsen, Inuit Ataqatigiit)

Tunngavilersuut:

Utoqqaat aammalu ilaqutaasut arlallit, Inuit Ataqatigiit Inatsisartuni ilaasortaataat saaffiginnissuteqarfigaat, apeqqutit qulaani taaneqartut paaserusullugit.

Nunaqarfinniit angalaniarneq aammalumi avinngarusimanerusuniit angalaniarneq, akitigut ersarlussinnaanera aaqqiivigineqartariaqartoq Inuit Ataqatigiinniit isumaqarpugut.

Silarsuaq annertusiartuinnartoq innuttaasunit amerlasoorsuarnit soqutigineqartoq, utoqqarnut aamma soqutiginaateqartoq malunnartarpoq. Utoqqaat nunaqarfinni illoqarfinnilu uninngaannaratik, ulluinnartik qimallugu angasinnaanissaat pingaaruteqarpoq.

Angalasarnikkut qaammaasat, inunnik nutaanik naapitsinerit, timimik tarnermillu atuinerit pissarsiarineqartarput. Tamakku ingerlajuarsinnaanerit pingaaruteqarmat, utoqqaat angalasarsinnaanerit pitsaasumik aaqqissuussaasariaqartoq, Inuit Ataqatigiinniit isumaqarpugut.